

卷五十

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之茫昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑昏明迭炤或盈或虧陰陽協
 氣兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律焉無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷五十
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

愚以為諸不在六藝之科孔子之術者皆絕其道勿使
並進邪辟之說滅息然後統紀可一而法度可明民知
所從矣

廣文選卷第四十九

江都葛洪撰

廣文選卷第五十

明通議大夫都察院右副都御史大庾劉節廣

對策二

賢良對策

公孫弘

制曰蓋聞上古至治畫衣冠異章服而民不
犯陰陽和五穀登土六畜蕃甘露降風雨時嘉
禾興朱山生山不童澤不涸麟鳳在郊數龜
龍游于沼河洛出圖書父不喪子兄不哭弟
北發渠搜南撫交趾舟車所至人迹所及跂
行喙息咸得其宜朕甚嘉之今何道而臻乎
此子大夫脩先聖之術明君臣之義講諭洽
聞有聲乎當世敢問子大夫天人之道何所

本始吉凶之效安所期焉禹湯水旱厥咎何由仁義禮知四者之宜當安設施屬統垂業物鬼變化天命之符廢興何如天文地理人事之紀于大夫習焉其悉意正議詳具其對著之于篇朕將親覽焉靡有所隱

弘對曰臣聞上古堯舜之時不貴爵賞而民勸善不重刑罰而民不犯躬率以正而遇民信也末世貴爵厚賞而民不勸深刑重罰而姦不止其上不正遇民不信也夫厚賞重刑未足以勸善而禁非必信而已矣是故因能任官則分職治去無用之言則事情得不作無用之器則賦歛省不奪民時不妨民力則百姓富有德者進無德者退則朝廷尊有功者上無功者下則群臣遠關

高罪則姦邪止賞當賢則臣下勸此八者治民之本也故民者業之則不爭理得則不怨有禮則不暴愛之則親上此有天下之急者也故法不遠義則民服而不離和不遠禮則民親而不暴故法之所罰義之所去也禮之所賞禮之所取也禮義者民之所服也而賞罰順之則民不犯禁矣故畫衣冠異章服而民不犯者此道素行也臣聞之氣同則從聲比氣應今人主和德於上百姓和合於下故心和則氣和氣和則形和形和則聲和聲和則天地之和應矣故陰陽和風雨時甘露降五穀登六畜蕃嘉禾興朱中生山林童澤不涸此和之至也故形和則無疾無疾則不夭故父不喪子兄不哭弟德配天地闡並日月則麟鳳至龜龍在郊河出圖洛出書

遠方之君莫不說義奉幣而來朝此和之極也仁者愛也義者宜也禮者所履也智者術之原也致利除害兼愛無私謂之仁明是非立可否謂之義進退有度尊卑有分謂之禮擅殺生之柄通壅塞之塗權輕重之數論得失之道使遠近情僞必見於上謂之術凡此四者治之本道之用也皆當設施不可廢也得其要則天下安樂法設而不用不得其術則主蔽於上官亂於下此事之情屬統垂業之本也臣聞堯遭鴻水使禹治之未聞禹之有水也若湯之旱則桀之餘烈也桀紂行惡受天之罰禹湯積德以王天下因此觀之天德無私親順之和起逆之害生此天文地理人事之紀也臣弘愚戆不足以奉大對

日蝕地震賢良策

杜子夏


臣聞日蝕地震陽微陰盛也臣者君之陰也子者父之陰也妻者夫之陰也夷狄者中國之陰也春秋日蝕三十六地震五或夷狄侵中國或政權在臣下或婦乘夫或臣子背君父事雖不同其一類也臣竊觀人事以考變異則本朝大臣無不自安之人外戚親屬無乖刺之心關東諸侯無疆大之國三垂變夷無逆理之節殆為後宮何以言之日以戊申蝕時加未戌未土也土者中宮之部也其夜地震未央宮殿中此必適妾將有爭寵相害而為患者唯陛下深戒之變或以類相應人事失於下變象見於上能應之以德則異咎消亡不能應之以善則禍敗至高宗遭雉雉之戒飭已正事享百年之

壽陰道復興要在所以應之應之非誠不立非信不行
宋景公小國之諸侯耳有不忍移禍之誠出入君之言
三熒惑爲之退舍以陛下聖明內推至誠深思天變何
應而不感何搖而不動孔子曰仁遠乎哉唯陛下正后
妾抑女寵防奢泰去佚游躬節儉親萬事數御安車由
輦道親二宮之饗膳致昏晨之定省如此則堯舜不足
與比隆咎異何足消滅如不留聽於庶事不論材而授
位殫天下之材以奉淫侈匱萬姓之力以從耳目近諂
諛之人而遠公方信讒賊之人以誅忠良賢俊失在巖
穴大臣怨於不以雖無變異社稷之憂也天下至大萬
事至重祖業至重誠不可以佚豫爲不可以奢泰持也
唯陛下忍無益之欲以全衆庶之命臣欽愚懇言不足

對擊平帝賢良策

申屠巨卿

臣聞王事失則神祇怨怒奸邪亂正故陰陽謬錯此天
所以譴告王者欲令失道之君曠然覺悟懷邪之臣懼
然自刻者也今朝廷不考功校德而虛納毀譽數下詔
書張設重法抑斷誹謗禁割論議罪之重者乃至腰斬
傷忠臣之情挫直士之銳殆垂建進善之旌縣敢諫之
鼓闢四門之路明四目之義也臣聞成王幼少周公攝
政聽言下賢均權布寵無舊無新唯仁是親動順天地
舉措不失矣近則召公不悅遠則四國流言夫子母之
性天道至親今聖主幼少始免襁褓即位以來至親分
離外戚杜隔恩不得通且漢家之制雖任其賢猶援姻



戚親踈相錯杜塞間隙誠所以安宗廟重社稷也今馮
 衛無罪久廢不錄或處窮僻不若民庶誠非慈愛忠孝
 承上之意夫為人後者自有正義至尊至卑其勢不嫌
 是以人無賢愚莫不為怨奸臣賊子以之為便不諱之
 變誠難其慮今之保傅非古之周公周公至聖猶尚有
 累何況事失其衷不合天心者哉昔周公先遣伯禽守
 封於魯以義割恩寵不加後故配天郊祀三十餘世霍
 光秉政輔翼少主修善進士名為忠直而尊崇其宗黨
 催仰外戚結貴據權至堅至固終沒之後受禍滅門方
 令師傅皆以伊周之位據賢保之任以此思化則功何
 不至不思其危則禍何不到損益之際孔父攸歎持滿
 之戒老氏所真蓋功冠天下者不安戚震人主者不全
 公亦秉蘭之後繼重淵之世公家履薄冰重數者不金
 奪其時貪夫侵其財百姓困乏疾疫天命盜賊群莫且
 以萬數軍行衆止竊號自立攻犯京師燔燒縣邑至乃
 訛言積弩入宮宿衛驚懼自漢興以來誠未有也國家
 微弱姦謀不禁六極之效危於累卵王者承天順地興
 爵主刑不敢以天官私其宗不敢以天罰輕其親陛下
 宜遂聖明之德昭然覺悟遠述帝王之迹近遵孝文之
 業差五品之屬納至親之序亟遣使者徵中山太后置
 之別宮令時朝見又召馮衛二族裁與冗職使得執戟
 親奉宿衛以防未然之符以抑患禍之端上安社稷下
 全保傅內和親戚外絕邪謀

賢良策

李子堅



對曰臣聞王者父天母地寶有山川王道得則陰陽和
 穆政化乖則崩震為災斯皆關之天心效於成事者也
 夫化以職成官由能理古之進者有德有命今之進者
 唯財與力伏聞詔書務求寬博疾惡嚴暴而今長吏多
 殺伐致聲名者必加遷賞其存寬和無黨援者輒見斥
 逐是以淳厚之風不宣雕薄之俗未革雖繁刑重禁何
 能有益前孝安皇帝變亂舊典封爵阿母因造妖孽使
 樊豐之徒乘權放恣侵奪主威敗亂嫡嗣至今聖躬狼
 狽親遇其艱既拔自困殆龍興即位天下喁喁屬望風
 政積敝之後易致中興誠當沛然思惟善道而論者猶
 云方今之事復同於前臣伏從山草痛心傷臆實以漢
 興以來三百餘年聖賢相繼十有八主豈無阿亂之恩
 豈忘爵賞之寵然上畏天威俯按經典知義不可故不
 封也今宋阿母雖有大功勤謹之德但加賞賜足以酬
 其勞苦至於裂土開國實乖舊典聞阿母體性謙虛必
 有遜讓陛下宜許其辭國之高使成萬安之福夫妃后
 之家所以少完全者豈天性當然但以爵位尊顯專總
 權柄天道惡盈不知自損故至顛仆先帝寵遇閻氏位
 號太疾故其受禍曾不旋時老子曰其進銳其退速也
 今梁氏戚為椒房禮所不臣尊以高爵尚可然也而子
 弟群從榮顯兼加未平建初故事殆不如此宜令步兵
 校尉冀及諸侍中選居黃門之官使權去外戚政歸國
 家豈不休乎又詔書所以禁侍中尚書中臣子弟不得
 為使察孝廉者以其秉威權客請託故也而中常侍在

日月之側聲勢振天下子弟祿任曾無限極雖外託記
謙默不干州郡而諂僞之徒望風進舉今可爲設常禁
同之中臣昔館陶公主爲子求郎明帝不許賜錢千萬
所以輕厚賜重薄位者爲官人失才害及百姓也竊聞
長水司馬代宣開陽城門候羊迪等無佗功德初拜便
真此雖小失而漸壞舊章先聖法度所宜堅守政教一
跌百年不復詩云上帝板板下民卒瘡刺周王變祖法
度故使下民將盡病也今陛下之有尚書猶天之有北
斗也斗爲天喉舌尚書亦爲陛下喉舌斗斟酌元氣運
平四時尚書出納王命賦政四海權尊勢重責之所歸
若不平心災眚必至誠宜審擇其人以毗聖政今與陛
下共理天下者外則公卿尚書內則常侍黃門譬猶一
門之內一家之事安則共其福慶危則通其禍敗刺史
二千石外統職事內受法則夫表曲者景必邪源清者
流必潔猶扣樹本百枝皆動也周頌曰薄言振之莫不
震疊此言動之於內而應於外者也由此言之本朝號
令豈可蹉跌門隙一開則邪人動心利競暫啓則仁義
道塞刑罰不能復禁化導以之寔壞此天下之紀綱當
今之急務陛下宜開石室陳圖書招會群儒引問得失
指摘變象以求天意其言有中理即時施行顯拔其人
以表能者則聖聽日有所聞忠臣盡其所知又宜罷退
宦官去其權重裁判常侍二人方直有德者省事左右
小黃門五人才智閑雅者給事殿中如此則論者厭塞
升平可致也臣所以敢陳愚瞽冒昧自聞者儻或皇天



欲令微臣覺悟陛下陛下宜孰察臣言憐赦臣死

大旱策

周宣光

問曰朕以不德仰承三統夙興夜寐思協大中頃年以來旱災屢應稼穡焦枯民食困乏五品不訓王澤未流羣司素餐據非其位審所貶黜變復之徵厥效何由分別其對勿有所諱

對曰臣聞易稱天尊地卑乾坤以定二儀交構乃生萬物萬物之中以人為貴故聖人養之以君成之以化順四節之宜適陰陽之和使男女婚娶不過其時息之以仁恩導之以德教示之以災異訓之以嘉祥此先聖承乾養物之始也夫陰陽閉隔則二氣否塞二氣否塞則



人物不昌人物不昌則風雨不時風雨不時則主其成災陛下處唐虞之位未行堯舜之政近廢文帝光武之法而循亡秦奢侈之欲內積怨女外有曠夫今皇嗣不興東宮未立傷和逆理斷絕人倫之所致也非但陛下行此而已豎宦之人亦復虛以形勢威侮良家取女閉之至有白首歿無配偶逆於天心昔武王入殷出傾宮之女成湯遭災以六事剋已魯僖公遇旱而自責初雨皆以精誠轉禍為福自枯旱以來彌歷年歲未聞陛下改過之效徒勞至尊暴露風塵誠無益也又下州郡祠神致請昔齊有大旱景公欲祀河伯晏子諫曰不可夫河伯以水為城國魚鼈為民庶水盡魚枯豈不欲雨自是不能致也陛下所行但務其華不尋其實猶緣木求

魚却行求前誠宜推信革政崇道辯惑出後宮不御之
女理天下冤枉之獄除太官重膳之費夫五品不訓責
在司徒有非其位宜急黜斥臣自藩外擢典納言學薄
智淺不足以對易傳曰陽感天不旋日惟陛下留神裁
察

賢良方正策

皇甫威明

對曰伏惟孝順皇帝初勤王政紀綱四方幾以獲安後
遭姦僞威分近習畜貨聚馬戲謔是聞又因緣嬖倖受
賂賣爵輕使賓客交錯其間天下擾擾從亂如歸故每
有征戰鮮不挫傷官民並竭上下窮虛臣在關西竊聽
風聲未聞國家有所先後而威福之來咸歸權倖陛下
體兼乾坤聰哲純茂攝政之初拔用忠貞其餘維綱多
所改正遠近翕然望見太平而地震之後霧氣白濁日
月不光旱魃爲虐大賊從橫流血川野庶品不安譴誠
累至殆以姦臣權重之所致也其常侍尤無狀者亟便
黜遣披掃凶黨收入財賄以塞痛怨以答天誠今大將
軍梁冀河南尹不疑處周召之任爲社稷之鎮加與王
室世爲姻族今日立號雖尊可也實宜增脩謙節輔以
儒術省去遊娛不急之務割減廬第無益之飾夫君者
舟也人者水也羣臣乘舟者也將軍兄弟操楫者也若
能平志畢力以度元元所謂福也如其怠弛將淪波濤
可不慎乎夫德不稱祿猶鑿墉之趾以益其高豈量力
審功安固之道哉凡諸宿猾酒徒戲客皆耳納邪聲口
出諂言甘心逸遊唱造不義亦宜貶斥以懲不軌令冀

等深思得賢之福失人之累又在位素餐尚書怠職有司依違莫肯糾察故使陛下專受諂諛之言不聞戶牖之外臣誠知阿諛有福深言近禍豈敢隱心以避誅責乎臣生長邊遠希涉紫庭怖懼失守言不盡心

牋

與劉璋牋

法孝直

正受性無術盟好違損懼左右不明本末必並歸咎蒙耻沒身辱及執事是以捐身于外不敢反命恐聖聽穢惡其聲故中間不有牋敬顧念夙遇瞻望恨恨然惟前後披露腹心自從始初以至於終實不藏情有所不盡但愚闇策薄精誠不感以致于此耳今國事已危禍害

正速雖指放于外言足增尤猶貪極所懷以盡餘忠明

將軍本心正之所知也蓋真為區區不欲失左將軍之意而卒至于是者左右不達英雄從事之道謂可違信黷誓而以意氣相致日月相選趨求順耳悅目隨阿遂指不圖遠慮為國深計故也事變既成又不量疆弱之勢以為左將軍縣遠之眾糧穀無儲欲得以多擊少曠日相持而從關至此所歷輒破離宮別屯日自零落維下雖萬兵皆壞陣之卒破軍之將若欲爭一旦之戰則兵將勢力實不相當各欲遠期計糧者今此營守已固穀米已積而明將軍土地日削百姓日困敵對遂多所供遠曠愚意計之謂必先竭將不復以持久也空爾相守猶不相堪今張益德數萬之眾已定巴東入犍為界分平資中德陽二道並侵將何以禦之本為明將軍計也

必謂此軍縣遠無糧饋運不及兵少無繼今荊州道通
衆數十倍加孫車騎遣弟及李異甘寧等爲其後繼若
爭客主之勢以土地相勝者今此全有巴東廣漢犍爲
過半已定巴西一郡復非明將軍之有也計益州所仰
惟蜀亦破壞三分亡二吏民疲困思爲亂者十戶而八
若敵遠則百姓不能堪役敵近則一旦易主矣廣漢諸
縣是明比也又魚腹與關頭實爲益州禍福之門今二
門悉閉堅城皆下諸軍並破兵將俱盡而敵家數道並
進已入心腹坐守都維存亡之勢昭然可見斯乃大畧
其外較耳其餘屈曲難以辭極也以正下愚猶知此事
不可復成況明將軍左右明智用謀之士豈當不見此
數哉曰夕偷幸求容取媚不慮遠圖莫肯盡心獻良計
耳若事窮勢迫將各索生求濟門戶展轉反覆與今計
異不爲明將軍盡死難也而尊門猶當受其憂正雖獲
不忠之謗然心自謂不負聖德顧惟分義實竊痛心左
將軍從本舉來舊心依依實無薄意愚以爲可圖變化
以保尊門

諫齊王奮牋

諸葛元遜

帝王之尊與天同位是以家天下臣父兄四海之內皆
爲臣妾仇讐有善不得不舉親戚有惡不得不誅所以
承天理物先國後身蓋聖人立制百代不易之道也昔
漢初興多王子弟至於太疆輒爲不軌上則幾危社稷
下則骨肉相殘其後懲戒以爲大諱自光武以來諸王
有制惟得自娛於宮內不得臨民干與政事其與交通



皆有重禁遂以全安各保福祚此則前世得失之驗也
近袁紹劉表各有國土上地非狹人衆非弱以適庶不
分遂滅其宗祀此乃天下愚智所共嗟痛大行皇帝覽
古戒今防茅遏萌慮於千載是以寢疾之日分遣諸王
各早就國詔策殷勤科禁嚴峻其所戒勅無所不至誠
欲上安宗廟下全諸王使百世相承無凶國害家之悔
也大王宜上惟太伯順父之志中念河間獻王東海王
強恭敬之節下當存抑驕恣荒亂以爲警戒而聞頃至
武昌以來多違詔勅不拘制度擅廢諸將兵治護宮室
又左右當從有罪過者當以表聞公付有司而擅私殺
事不明白大司馬呂岱親受先帝詔勅轉導大王旣不
不用其言令懷憂怖華綺先帝近臣忠良正直其所陳
導當納用之而聞怒綺有收縛之語又中書楊融親受
詔勅所當恭肅云正自不聽禁當如我何聞此之日太
小驚怪莫不寒心里語曰明鏡所以照形古事所以知
今大王宜深以魯王爲戒改易其行戰戰兢兢盡敬朝
廷如此則無求不得若棄忘先帝去教懷輕慢之心臣
下寧負大王不敢負先帝遺詔寧爲大王所怨疾豈敢
忘尊王之威而令詔今不行於藩臣邪此古今正義大
王所照知也夫福來有由禍生有漸漸生不憂將不可
悔向使魯王早納忠且之言懷驚懼之慮享祚無窮豈
有滅亡之過哉夫良樂苦口惟疾者能甘之忠言逆耳
惟達者能受之今者恪等悽悽欲爲大王除危殆於萌
芽廣福慶之基原是以不自知言至願蒙三思

薦和慮則戕

應休璉

璩聞唐堯因羣士以通治齊桓假衆能以定業是故八元進則太平之化成六賢用則九合之功立竊見同郡和模字慮則質性純粹體度貞正履仁蹈義動循軌禮方今海內企踵欣慕捉髮之德山林投褐思望旌弓之招寔英奇敘用之時貢達進致之良秋也今夜光之璧顯價於和氏之肆千里之足定功於伯樂之庭庶有以宣明大道光益時化

至洛與成都王牋

陸士衡

王室多故禍難荐有羊玄之乘寵凶暨專記朝政姦臣賊子是爲比周皇甫商同惡相求共爲亂階至今天子飄飄甚於贊旒伏惟明公匡濟之舉義命方宣元戎既啓啓風威電赫機以駑暗文武寡施猥蒙橫授委任外朝輒承嚴教董率諸軍唯力是視

薦唐叟牋

庾仲初

蓋桂林生於五嶺杞梓出於南荆夫以卉木之盛猶載在方志況千里之朝懷其良彥而使人滯於常流莫登於龍津者乎郡公曹史泉陵唐叟未延履敏素和而有政立身持操行著一邦若得駮軌鸞衡服襄駿足則機石之良選可以對揚萬里者也

與會稽王牋

王逸少

古人耻其君不爲堯舜北面之道豈不願尊其所事比隆往代況遇千載一時之運顧智力屈於當年何得不權輕重而處之也今雖有可欣之會內諸求已而所憂

乃重於所欣傳云自非聖人外寧必有內憂今外不寧
內憂以深古之弘大業者或不謀於衆傾國以濟一時
功者亦徃徃而有之誠獨運之明足以邁衆暫勞之弊
終獲未逸者可也求之於今可得擬議乎夫廟算決勝
必宜審量彼我萬全而後動功就之日便當因其衆而
即其實今功未可期而遺黎殲盡萬不餘一且千里饋
糧自古爲難況今轉運供繼西輸許洛北入黃河雖秦
政之弊未至於此而十室之憂復以交至今運無還期
徵求日重以區區吳越經緯天下十分之九不亡何待
而不度德量力不弊不已此封內有痛心歎悼而莫敢
吐誠往者不可諫來者猶可追願殿下更垂三思解而
更張令殷浩荀羨還據合肥廣陵許昌譙郡梁彭城諸

軍皆還保淮爲不可勝之基酒糧立勢舉謀之未晚此
實當今策之上者若不行此社稷之憂可計日而安待
危之機易於反掌考之虛實著於日前願運獨斷之明
定之於一朝也地淺而言深豈不知其未易然古人處
閭閻行陣之間尚或干時謀國評裁者不以爲譏况廁
大臣未行豈可默而不言哉存亡所係決在行之不可
復持疑後機不定之於此後欲悔之亦無及也殿下德
冠宇內以公室輔朝最可直道行之致隆當年而未允
物望受殊遇者所以寤寐長歎實爲殿下惜之國家之
慮深矣常恐伍負之憂不獨在昔麋鹿之游將不止林
藪而已願殿下暫廢虛遠之懷以救倒懸之急可謂以
亡爲存轉禍爲福則宗廟之慶四海有賴矣



下宮輕微寒士謬得廁在俎豆實懼辱累清流惟塵聖世竊以人君居廟堂之上智周四海之外者非徒聰明內照亦賴群言之助也是以舜之佐堯以啓闢爲首咎繇謇禹以侃侃爲先故下無隱情之責上收神明之功敢緣斯義志在輸盡常以謝石黷累應被清澄殷浩忠貞宜蒙褒顯是以不量輕弱先衆言之而惡直醜正其徒實繁雖仰恃聖主欽明之度俯賴明公愛物之隆而友至之惠實有無賴下官與石本無怨忌生不相識事無相干正以國體宜明下應稍討疆弱與浩年時邈絕世不相及無復藉聞故老語其遺事耳於下官之身有何痛癢而當爲之犯時干主邪每觀載籍志士仁人有發中心任直道而行者有懷知陽愚負情曲從者所用雖異而並傳後世故比干處三仁之中箕子爲名賢之首後人用捨參差不同各信所見率應而至或榮名顯赫或禍敗係踵此皆不量時趣以身嘗禍雖有蹉蹉之稱而非大雅之致此亦下官所不爲也世人乃云下官正直能犯艱難斯談實過下官知主上聖明明公虛已思求格言必不使盡忠之臣屈於邪枉之門也是以聽獻愚誠布之執事豈與昔人擬其輕重邪亦以臣之事君惟思盡忠而已不應復計利鈍事不允心則讜言悟王義感於情則陳辭靡悔若懷情藏意蘊而不言此乃古人所以得罪於明君明君所以致法於羣下者也桓温事跡布在天朝逆順之情暴之四海在三者臣子情

豈或異凡厥黔首誰獨無心舉朝嘿嘿未有唱言者是
以頓筆按舉不敢多云桓溫於亡祖雖其意難測求之
於事正免黜耳非有至怨也亡父昔為溫吏推之情禮
義兼他人所以每懷憤發痛若身首者明公有以尋之
王珣以下官議殷浩謚不宜暴揚桓溫之惡珣感其提
拔之恩懷其入幙之遇託以廢黜昏闇建立聖明自謂
此事足以明其忠貞之節明公試復以一事觀之昔周
公居攝道致昇平禮樂刑政皆自己出以德言之周公
大聖以年言之成王幼弱猶復遽避君位復子明辟漢
之霍光大勳赫然孝宣年未二十亦反萬機故能君臣
俱隆道邁千歲若溫忠為社稷誠存本朝便當仰遵二
公式是令矩何不奉還萬機退守藩屏方提勒公王匡
總朝廷豈為先帝幼弱未可親正邪將德桓溫不能聽
政邪又逼脅袁宏使作九錫備物光赫其文具存朝廷
畏怖莫不景從惟謝安王坦之以死守之故得稽留耳
會上天降怒姦惡自忘社稷危而復安靈命墜而復構
晉自中興以來號令威權多出疆臣中宗肅祖斂衽於
王敦先皇愛屈於桓氏今主上親覽萬機明公光讚百
揆政出王室人無異望復不於今大明國典作制百代
不審復欲待誰先王統物必明其典誥貽厥孫謀故令
問休嘉千歲承風願明公遠覽殷周近察漢魏慮其所
以危求其所以安如此而已

辭子隆箋

謝玄暉

眺聞潢汙之水思朝宗而每竭駑蹇之乘希沃若而中



疲何則臯壤程落對之惆悵岐路東西或以鳴悒乃服
義徒擁歸志莫從邈若霖雨颺似秋帶朏實庸流行能
無真屬天地休明山川受納衷採一介搜揚小善捨采
場圃奉筆菟園東亂三江西浮七澤契闊戎旃從容讌
語長裾日曳後乘載脂榮立府廷恩加顏色沐髮睇陽
未測涯涘撫臆論報早誓肌骨不悟滄溟末運波臣自
蕩渤解方春旅酬先謝清切蕃房寂寥舊葦輕舟反泝
弔影獨留白雲在天龍門不見去德滋未思德滋深唯
侍青江可望候歸鯉於春渚未邸方開効蓬心於秋實
如其簪履或存衽席無改雖復身填溝壑猶望妻子知
歸攬涕告辭悲來橫集

廣文選卷第五十

廣文選卷第五十一

明通議大夫都察院右副都御史大庾劉節廣

奏記

詣公孫弘記室

董仲舒

江都相董仲舒叩頭死罪再拜上言君侯以周召自然
休質擢升三公統理海內總緝百寮未有半言之教郡
國翕然望風更思改新以助至治郡衆所占必有成功
仲舒叩頭死罪仲舒愚戆素無治名大漢之檢式數蒙
君侯哀憐之恩悞被非任無以稱職仲舒竊見宰職任
天下之重群心所歸推須賢佐以成聖化願君侯大開
蕭相國求賢之路廣選舉之門既得其人接以周公下
士之義即奇偉隱世異倫之人各思竭愚歸往盛德英